

Regiuns effizientas

Las corporaziuns regiunalas dal Grischun dal nord prendan posiziun davart la refurma dal territori

■ **(cp) A chaschun da lur davosa sesida èn las suprastanzas da la Corporaziun regiunala dal Grischun dal nord e la Corporaziun regiunala dal Signuradi/Tschintg vitgs s'occupada cun la refurma dal territori e cun la consultaziun da la legislaziun adesiva da quella.** En connex cun l'organisaziun e las structurass ston las regiuns futuras vegnir concepidas a moda simpla ed effizienta: Quai è sa resultà d'ina emprima survista da la situaziun che la suprastanza ha fatg. Uschia refusa la suprastanza la furma d'organisaziun cun in parlament regiunal, vinavant na duajan las regiuns reschaiver ni la suveranità da tagliass ni cumpetenzas legislativas. La repartiziun da las incumbensas sto esser reglada clemain e duai valair egual per tuttas vischnancas d'ina regiun. Sulettamain

uschia po sa furmar in niz als burgais, e mo uschia pon las vischnancas politicas rinforzar lur abladad da prestaziun, lur atgna responsabladad sco era lur forza da finanziar sasezzas.

Sch'ins concedess a las regiuns il dretg d'instituir lur organs, cun la cumpetenzza giudiziala e la suveranità da taglia, sa sviluppess per forza in stgalim statal amez surorganisà. Tras quai vegn scufflà nun-necessariamain il sistem da stadi e cunquai l'administraziun – programmadas ordavant fissan proceduras lungas e nun-effizientas.

I na sappia esser che mintga regiun sviluppa ses agen model, quai cun la consequenza che autras regiuns respectiv lur vischnancas stoppian finanziar quest svilup sur la golvaziun da finanzas ordinaria.